



UNDANG-UNDANG MALAYSIA

VERSI ATAS TALIAN
TEKS CETAKAN SEMULA YANG KEMAS KINI

Akta 429

AKTA SYILING LANCUNGAN 1957

Sebagaimana pada 1 Januari 2013

Teks ini HANYALAH TERJEMAHAN oleh Jabatan Peguam Negara bagi *Counterfeit Coin Act 1957* sebagaimana yang disemak dalam tahun 1990. Melainkan dan sehingga ditetapkan sebagai sah di bawah subseksyen 7(1) Akta Bahasa Kebangsaan 1963/67 [Akta 32], teks ini bukan perundangan.

AKTA SYILING LANCUNGAN 1957

Pertama kali diperbuat 1957 (Ord. No. 29
tahun 1957

Disemak 1990 (Akta 429
m.b.p 31 Mac 1990)

UNDANG-UNDANG MALAYSIA**Akta 429****AKTA SYILING LANCUNGAN 1957**

SUSUNAN SEKSYEN

Seksyen

1. Tajuk ringkas dan pemakaian
2. Tafsiran
3. Syiling yang disyaki menyusut atau telah dilancung boleh dipotong oleh mana-mana orang yang kepadanya syiling itu ditawarkan

UNDANG-UNDANG MALAYSIA

Akta 429

AKTA SYILING LANCUNGAN 1957

Suatu Akta untuk mengadakan peruntukan mengenai pencacatan syiling lancungan.

*[Semenanjung Malaysia — 15 Ogos 1957;
Sabah dan Sarawak — 23 September 1965]*

Tajuk ringkas dan pemakaian

1. (1) Akta ini bolehlah dinamakan Akta Syiling Lancungan 1957.
- (2) Akta ini hendaklah terpakai di seluruh Malaysia.

Tafsiran

2. Dalam Akta ini, melainkan jika konteksnya menghendaki makna yang lain—

“melancung” mempunyai pengertian yang diberikan kepadanya oleh Kanun Keseksaan [*Akta 574*];

“syiling semasa” ertinya apa-apa syiling yang dijadikan oleh undang-undang, wang sah di Malaysia.

Syiling yang disyaki menyusut atau telah dilancung boleh dipotong oleh mana-mana orang yang kepadanya syiling itu ditawarkan

3. (1) Jika apa-apa syiling ditawarkan sebagai syiling semasa kepada mana-mana orang yang mengesyaki syiling itu telah menyusut dengan cara selain haus yang munasabah, atau telah dilancung, orang itu boleh memotong, memecahkan membengkokkan atau mencatitkan syiling itu.

(2) Jika apa-apa syiling yang telah dipotong, dipecahkan, dibengkokkan atau dicatitkan ternyata telah menyusut dengan cara selain haus yang munasabah, atau telah dilancung, orang yang menawarkan syiling itu hendaklah menanggung kerugian berkenaan dengannya.

(3) Jika syiling itu mempunyai berat yang sewajarnya dan ternyata bahawa ia syiling yang sah, orang yang memotong, memecahkan, membengkokkan atau mencatitkannya hendaklah menerima syiling itu pada nilai mukanya.

(4) Jika apa-apa pertikaian timbul sama ada syiling yang telah dipotong, dipecahkan, dibengkokkan atau dicatitkan itu telah menyusut dengan cara yang disebut terdahulu, atau dilancung, pertikaian itu boleh didengar dan seterusnya diputuskan secara terus oleh Mahkamah Majistret yang dengan ini diberi kuasa untuk memeriksa dengan sumpah pihak berkenaan dan juga mana-mana orang lain untuk memutuskan pertikaian itu.

(5) Tiap-tiap pegawai awam, dalam melaksanakan kewajibannya telah ditawarkan kepadanya, sebagai pembayaran apa-apa bahagian daripada hasil mana-mana Kerajaan di Malaysia atau dikemukakan untuk pemeriksaan atau selainnya apa-apa syiling yang ternyata adalah lancungan syiling semasa atau telah menyusut dengan cara yang tidak sah, hendaklah memotong, memecahkan, atau mencatitkan atau menyebabkan dipotong, dipecahkan atau dicatitkan tiap-tiap syiling itu.

UNDANG-UNDANG MALAYSIA**Akta 429****AKTA SYILING LANCUNGAN 1957****SENARAI PINDAAN**

Undang-undang yang meminda	Tajuk Ringkas	Berkuat kuasa dari
P.U 349/1965	Perintah Ubah Suaian Undang-undang (Syiling Lancungan) (Pemerluasan Negeri-Negeri Borneo) 1965	23-9-1965

UNDANG-UNDANG MALAYSIA**Akta 429****AKTA SYILING LANCUNGAN 1957****SENARAI SEKSYEN YANG DIPINDA**

Seksyen

Kuasa meminda

Berkuat kuasa
dari

— TIADA —
